

楊家駱主編

中國近代史文獻彙編之一

拾軍文獻彙編二

楊家駱主編

中國近代史文獻彙編之一

捻軍文獻彙編 第二冊

(中國近代史文獻彙編所收各書本局另編輯綜合索引印行)

鼎文書局印行

捻軍文獻彙編第二冊目錄

第二部分 活動地區(一)

安徽

安徽通志

蒙城縣志書

渦陽縣志

亳州志

潁上縣志

宿州志

鳳臺縣志

五河縣志

續修廣饒縣志

霍山縣志

續修舒城縣志

太湖縣志

河南(上)

豫軍紀略

河南軍情探報

尹耕雲等

汪廣才

安徽

重修安徽通志（節錄卷一〇二至一〇八武備志）

文宗顯皇帝咸豐元年，廬州、鳳陽、潁州等府捻匪結黨橫行，巡撫王植捕治未竟，受代去。山西道御史鮑繼培以爲言，下督撫搜捕。九月，巡撫蔣文慶奏獲捻首高四八、趙桂亭、楊思華等十四人，並請留道員王彥和辦捕務。（卷一〇二葉九）

二年冬，蕭縣逸捻馮金標、張鳳山等竄蒙城，聚黨千人，號十八鋪，擁臺捻張落刑爲首。明年春，潁州知府毛含煜捕之急，馮金標、張落刑等先後詣宿州周天爵營投誠。（同上葉十）

三年，時宿州懷遠、蒙城、亳州、靈璧等處捻匪嘯聚，周天爵飭兵勇分捕，先後斬獲牛汝禮等五百餘人，北路肅清，親督義勇往南路追剿。三月丙午，率游擊劉玉豹、壽州知州金光飭樊定遠左家店擒巢。乙酉，擒捻首陸雙齡、陸繼恩等，進剿壽州甘羅廟。癸丑，擒捻首陸遐齡及其子陸聚奎、陸連元，並其黨李邦治等十二人，斬千餘級，奪械無算。（同上葉十一）

己巳，李嘉端抵廬州，壽春鎮總兵玉山進兵潁，毫剿擒匪。刑部主事朱麟祺駐兵盱眙，斬互捻楊倫。（同上）

合肥梁園西北有謝家大戶招納亡命，聯絡十餘村莊，以謝四老虎爲首，周天爵派兵捕之。又有巨擒陳學曾、紀黑壯等，嘯聚潁州之王市集，官軍節次被挫，周天爵率編修李鴻章督團堵剿。（同上）

四月癸亥，擒匪龔得、穆坎、掠太和境，民團擊敗之於雙浮屠。（同上葉十二）

七月，周天爵移軍潁、亳，飭員外郎孫家泰協剿，擒首蔣柱、梁朱、劉飛熊俱伏誅。又飭宿州知州張清元剿河南永城，擒擒首胡萬箱、孟傳太、方汝潮。署亳州知州熊英擒斬擒首陳申、王三鐵叉等。張清元回軍亳州，會同參將錢朝舉陣斬擒首楊廣義，進剿雒河，大破之，斬擒首馬老沈、馬惡。（同上葉十三）

十月，上命袁甲三由潁州移軍桐城。甲三疏言，擒逆張茂踞懷、蒙間，稱僞西懷王，窺廬州，應先剿辦。上允之。先是，周天爵奏，蒙、亳匪衆合五十八擒爲一，有四大天王諸名目。未及剿而天爵卒。賊擾孫村店，袁甲三抵王市集，急集勇闖，扼要隘，遣游擊朱連泰擊賊高公廟，大破之。得旨嘉獎，加三品卿銜，署布政使。甲三言：署職恐誤剿匪，尋命卽以三品卿銜兵科給事中，剿辦安徽擒匪。甲三飭知府張清元、知州熊英兜剿阜、亳五十八擒，擒擒首姚旋兒、李致汝、穆坎、王長青、宮沅等，餘匪逃雒河。俄而擒首鄧大俊由雒河擾及標里鋪，甲三分兵襲之，擒其渠，鄉民先後縛賊二千餘以獻。甲三又飭縣丞徐曉峯、知縣徐毓寶、守備戴世熙、舉人臧紆青在雒河集、臨湖鋪、馬家柳林等處剿捕，斬滅無算，擒首孫重倫、馬在隴、宮步雲、馬九、馬虎、陳建中皆伏誅。及是，張茂撲懷遠縣城甚急。甲三遣游擊錢朝舉等馳往，與知縣朱鎮會剿，一戰破之，張茂受傷遁。十一月，甲三遣徐曉峯會同蒙城知縣劉瀛階擒擒首劉洪立、武大僧，磔之。武大僧者，周天爵疏稱四大天王之一也。其馬和尚、陸瀛、江邦位三大天王，甲三前在西路時捕得正法，武大僧逃去，至是伏誅。甲三又派參將朱連泰等剿亳州。

義門集擒巢，擒斬擒首葛豹、馬長德等。旋以粵逆撲廬州，甲三馳赴宿州扼賊北竄。（同上卷十五）

四年正月，擒匪竄太和，團練擊之於三漲口，文生姜培等陣亡。（同上卷十八）

甲子，六安踞賊分竄正陽關，壽州知州金光飭擊敗之。賊績至，勇潰，退守壽州。賊遂寇潁州府，團練擊走沙河。丁卯，潁上陷，旋由新河口北竄。（同上）

新河口北竄之賊，游弋蒙亳。壬申、丙子、庚辰，蒙城屢陷，南擾雉河。袁甲三擣蒙城，賊走河南永城。甲三追賊及於江蘇蕭縣，賊前股已由豐工下游渡河北竄山東臨清，後股未能渡黃之賊折而南竄。甲三引軍還宿州，防南路。三月庚子朔，賊竄至潁上，甲三敗之於潁州，又敗之於正陽關，餘賊掠舟遞回六安，盡返廬州。甲三遂回軍剿蒙、亳擒匪。（同上卷十九）

時擒匪張捷三等糾合粵匪，以義門集爲總巢，分踞雉河集、臨湖鋪，勢張甚。乙巳，袁甲三督軍擣臨湖，賊潰。丁未，進逼雉河。戊申，敗賊於馬家樓，復迫之於渦河，遂破義門集，僞都督道人王德懇、僞太保朱添寶、僞將軍孫禿孜、僞總兵夏推尹、球尹、齡、劉淵等俱伏誅，僞太平順王張捷三中敵斃。（同上）

鳳臺擒匪竄擾懷遠，袁甲三派游擊李成虎等馳剿，斬擒首張詳、陳鳳翔、李導聲及餘匪百餘。

癸丑，知州金光飭參將劉玉豹、團練郎中李文安會攻戴家集擒巢，擒擒首汪履祥、李六禿孜，斬之，武舉劉開甲、武生翟雲登殺賊陣亡。（同上卷二十）

霍邱擒匪陳玉嘯聚河口集，署知縣徐毓寶往捕殺賊。（同上）

四月，擒匪薛小由河南固始糾衆掠霍邱三河尖。（同上）

五月，時淮南擒匪三大股：東股朱家灣，南股小店集，以西股余家灣爲巢穴。先是，夏間，袁甲三派剿余家灣不克，擒別股匪于和等十六人，焚匪巢十餘處。夏杪，進兵鐵鑪橋，東西兩路俱有斬擒，旋擒首李連貴、陸興廷等。及是，復分兵進剿，先斃援賊史學江等，旋逼匪巢，斃碎火焚，賊死甚衆，擒逆首李占青等四十餘人，匪潰走，復追殲之。（同上卷二十一）

十月，當是時，皖省軍情日迫，永、亳一路難兼顧，袁甲三奏請河南撥兵會剿。時河南永城民怨亳州民日甚，每以搜捕匪首蘇添幅爲名，互相殺掠。上謂此等凶悍之徒，擾害良善，豈得以民人自相仇殺置之不問！周天爵招撫之張落刑，以保守雒河集爲名，實則狼子野心，難保其不暗結土匪。命河南巡撫英桂，令帶兵文武相機剿捕。時蒙、亳擒匪已由豫回皖，袁甲三飭張落刑捕蘇添幅以表心跡，而密飭弁兵誘擒落刑，未獲。遣張家駒、朱連泰進軍蒙城，敗蘇添幅於寺登集，分路捕獲擒首李秉倉等八十餘人，馬老虎、石洪等四十餘人，又獲亳境大擒首丁士彥、張巨善、劉根等，俱伏誅。（同上卷二十四）

五年二月甲辰，擒匪竄渦河北岸，千總齊東興陣亡，衆潰。（卷一〇三、卷一）

三月，蒙、亳擒匪張落刑，即張樂行，叛後書爲「落刑」。蘇添幅出沒皖、豫之交。河南道員張維翰扼守宋防，與潁州知府陸希湜、亳州知州繆綸、候補知府張家駒、參將全喜等率師赴亳，擊賊泥臺店，獲勝。賊未受大創，四出如故。時駐防臨淮左都御史袁甲三罷召回京，白離任後，擒匪大肆蹂躪。（同上卷二）

七月丙寅，張落刑犯蒙城，武舉黃廷萬等死之。（同上卷三）

辛巳，知府陸希湜在廟集擊退擒匪張落刑，獲得之衆，陣獲僞將軍黨有。（同上）

八月張落刑等復踞雒河，四出滋擾，攻撲城池，蒙城、阜陽、潁上、宿毫、鳳陽，懷遠告急，福濟飭駐守臨淮之按察使恩錫等移軍往援。丁未，河南道員張維翰在泥臺店接戰失利，達凌阿陣亡。己未夜，擒匪入商邱之馬牧集，朱連泰等截擊不利。河南巡撫英桂遣防守陳州之湖南道王建泰、游擊巴哈布、按察使余炳燾、參將成齡先後往援，江南河督楊以增、巡撫福濟均派兵扼剿，擒匪遂南竄。福濟和春疏陳三省剿匪必遣大員帶兵，河南學政張之萬亦以爲言。上命湖南提督武隆額由山東赴亳州，富明阿所派待衛容照、楊以增所派總兵興慶和春所派游擊武全、英桂所派張維翰等，總聽武隆額節制。（同上卷四）

九月，張落刑踞蒙城，墮其城垣爲邱墟，擾亳州北鄉。己巳，圍州城，越九日乃解。其黨蘇添幅、葛倉龍等由雒河竄擾潁上沙河北岸。（同上）

十月丁未，張落刑圍亳州，知州博銘城守凡十有三晝夜，豫軍救之。按察使余炳燾用圍魏救趙計，先剿雒河集捻巢。張落刑在毫聞之，還救雒河，毫圍遂解。余炳燾、祝塏、瑚圖凌額三路赴毫，擒匪復由毫沿河迤南折向東北，徐州兵勇禦之，麻種集失利。匪竄永城、夏邑，犯歸德，武隆額略無布置，上命英桂赴歸德督辦三省剿匪事宜，以前福建按察使徐宗幹副之。張落刑、蘇添幅等經柘城圍練追擊，輦所掠遞回雒河。（同上卷五）

壬戌，降勇李兆受踞英山以叛，前徽寧池太廣道何桂珍、英山知縣蘇秀槐、署桐城知縣縣丞任春和、代理太湖知縣從九品婁業仕、把總高長發、勇目賈開龍俱死之。初，兆受在霍邱，固始之交與薛小聚衆首亂。上年四月，薛小肆擾三河尖，經團練擊散。兆受、薛小竄商城王家院牆，副將春明并備弁兵勇皆被戕，踞卜家店。布政使鄧敦謹派兵往剿，斬擒目周魁等。兆受竄皖，豫交界之青峯嶺，復闖入商城，固始、句結粵匪，以六月癸

未圍商城，爲商、固團練及軍功張曜所敗，走霍山。何桂珍時在霍山，十月丁酉率鄉兵大破之於城東，追擊至麻埠。丙寅，至流波磧，檄商、固團練堵其北，金家砦團練禦其東，桂珍率所部遏其西。兆受大懼，與馬超江等投誠，散脅從萬計。桂珍收爲勇目，其所部曰豫勇。十一月，何桂珍剿太湖，豫勇敗退英山。本年四月，遣兆受剿蘄水，敗於洗馬畝，還英山。尋率所部回籍，沿途蹂躪，福濟飭捕之。薛小掠王家集，牛鑑剿敗之。兆受、薛小築圩於寨集蓮花山。九月，自牛皮磧走霍邱攢板沖，練勇敗之。張曜越境剿急，兆受走麻埠。河南在籍防剿前江寧布政使王庭蘭與張曜進兵廟灣，擒其黨宋之貴斬之，進攻麻埠，追殺至流波磧，斬李兆慶等，焚山寨。兆受、薛小逐英山。十月初旬，至同里馬家畝，苦求投効，何桂珍仍留之，令守城。會福濟令桂珍急殲除之，爲所覺，桂珍等遇害，遂擁衆叛，豎旗踞守。和春等遣參將塔思哈、都司俞應彪守備阿克敦馳剿。己巳，會英山知縣劉兆彭、湖北羅田知縣彭惠疇各率民團復英山縣城，兆受竄蘄水。（同上卷六）

戊寅，張落刑等由河南竄至宿州濉溪、臨渙二集焚掠，偪城垣，福濟遣塔思哈由英山移剿。（同上卷七）

十二月庚寅朔，毫擒襲得竄太和，練總楊廷瑾、亳州武舉魏有貴等戰歿。（同上）

丁未，擒匪大掠蒙城，知縣俞樹鑾之團練潰。（同上）

六年正月，擒黨分領五色旗，妄推張落刑爲盟主，領黃旗，張總愚領鑲黃。（同上）

己巳，阜陽練總朱復善、袁鑠禦擒於河口，衆潰，均死之。是日，張落刑、夏白、任範圍宿州，侍衛容照督兵嚴守。塔思哈等連日戰勝，擒擒首孫開貞。徐州總兵傅振邦往援，乙亥、丙子，敗賊於夾溝、符離。丁丑，城內外官軍夾擊，城圍立解。己卯，總兵鄧魁士、侍衛伊興額、協領德昌馳至會剿，南屏集擒巢，癸未破之，斃擒首任仲勉。

(同上)

時毫捻以壬申日竄澠河，甲戌撲太和縣城，圍練援剿，戰於三塔集，追至梁家湖，練潰，文生賈玉等死之。丙子，賊由元牘集宵遁。(同上)

丁亥，捻首尹韜竄阜陽、三里灣，知府陸希湜擊退。戊子晦，張落刑偪下蔡，脅西北諸村鎮領旗。(同上葉八)

二月甲午，捻匪葛蒼龍等掠潁上之江劉集，犯總李步階，教諭黃坤元死之。(同上)

乙巳，捻匪耿小金等擾懷遠，和春飭鄭魁士率參將喜瀛、塔思哈擊於許田寺、芽塘集，連破之，追至素木橋，又破之。捻匪復由豫境調回劉餓狼等四十餘股，由蒙城併力來撲。鄭魁士馳抵河溜集，設伏汪家舖、錢家湖，斬馘過當，追至鈕家橋，生擒捻首褚澱等四十一匪，餘渡河竄。和春遂分兵進剿宿州匪黨及湖墅踞匪，連敗之，遂克湖墅。時李大濤、黃鳳、夏白、任蕪掠宿州，丁未、壬子，侍衛伊興額戰於雙溝、蘆溝等集，丙辰又戰於孫疇，與協領德昌夾擊，追至蒙城境之潭城，皆大捷。張落刑遣李益元掠薛家湖，會合保安山賊俞得和，以癸丑日犯瓦子岡，亦爲傅振邦所敗。(同上)

三月戊辰，捻匪偪懷遠，撲城西鄭魁士等營，參將福珪、游擊柏雲章、都司冉廣興、守備朱介福血戰死。鄭魁士陷陣，徧體重傷，墜馬救免。蒙城知縣俞澐在城西荆山之西，徐曉峯在荆山南，先後援剿，賊衆敗退。庚辰，向蒙城竄去。尋諭英桂赴皖，豫界擣捻匪老巢，前副都御史袁甲三先奉命隨同英桂進剿，及是以歸德防剿交甲三籌辦云。(同上葉九)

丙戌晦，捻匪襲得王貫三屯亳州之五馬溝，爲豫軍總兵邱聯恩等所敗，斬捻首張拴、張裕隆。(同上)

四月己丑，擒匪倪小菑、張昭、霍邱之朱家灣、皖、豫兩軍擊退之，於是壽州、鳳臺同時被擾。襲得分黨踞潁上十八里鋪，窺潁州。丁酉，祝國安焚掠潁上之韓擺渡，戍戍撲縣城。知府陸希庭、知縣程鉅先後斃賊二千餘，侍衛多懋遣參將蔡昌言馳援，先後擊卻之。和春、福濟亦遣珠克登、郝光甲自懷遠援潁，亳、會豫軍剿雉河。

（同上卷十一）

先是，捻首夏白句結張落羽圍宿州，擾懷遠；及瓦子口受大創，是月，在任家集嘯聚圖報復。壬寅，署宿州游擊恩臨、知州才宇和授總兵朱廷芳計，擒夏白斬之。（同上）

袁甲三之隨剿擒匪也，至軍，即合總兵邱聯恩、史榮椿等擊賊。是月甲午，戰於亳五馬溝，丙申，戰界溝，甲辰，戰小奈集，三戰皆捷。會甲三之子編修袁保恆集舊部三千人至軍。甲寅，甲三與總兵邱聯恩、崇安等會師抵亳州城下，朱連泰與知州博銘出城夾擊，大破擒匪，遂解亳州之圍。賊走翟村寺，糾死黨踞之。（同上）

苗沛霖自壽州歸武家集，築砦圍練，梅興擒匪。

五月辛酉，擒黨自翟村寺犯五馬溝，朱連泰擊卻之。壬戌，袁甲三率其子保恆與邱聯恩、崇安等分道進攻，戰於翟村寺，大敗之，斬僞平西侯李士成等。張落羽由蒙城糾黨得王貫三黨來援，據白龍廟，跨渦而壘。乙丑，甲三、聯恩、崇安、保恆、前察哈爾都統西凌阿進剿，戰於白龍廟，殺賊數千，平其砦。辛未，攻葉家小樓，衝賊陣中堅，賊大潰。師宵進，破趙旗屯、穆家砦、沙土集。癸酉，抵雉河。賊憑壘據橋，官軍力攻破之，橋下尸相屬也。遂克雉河，窮追四十餘里，擒斬田士得等，李越、韓廣、張海、姚長春、李汝明諸悍賊，僞將軍劉鼐均斃於陣，殲傷張落羽、蘇添幅，俱僅身免。擢入，旨嘉獎，袁甲三以三品京堂候補。（同上）

維時伊興額、傅振邦援宿州之師掃滅鐵佛寺捻股，癸酉，攻煨柳集捻巢，夜擣臨渙集破之，擒捻首紀學中、珠克登、郝光甲援潁亳之師，戊午，進龍亢集，次褚家湖，爲界溝、雙澗、捻匪所截，己未，戰不利，僅有署蒙城知縣俞澍來援，戰經三時，賊始退。時自褚家湖距蒙城七十五里，擒衆三十八股，官軍駐龍亢不得進。辛未，始由界溝進攻耿家湖捻巢，擒耿小金、耿湖亮，署鳳臺知縣李霖亦於是日擊敗耿萬金，擒曹萬有，又敗葛倉隴於顧家橋，斬之，并斬葛雙孜、葛小波、王放、王城、程錫章等，蘇玉田降。（同上）

蔡昌言、徐曉峯、潁上之師以癸亥敗捻匪於沙河，擒龍如陳、顧廷輔。乙丑，會同程鈺等敗之於新河口、龍王塘，追至夏家橋，丁卯，又敗之於龍擺渡。戊辰，擊敗撲城之賊。己巳，復大敗之，擒捻首樊棕湖、趙連倉、龍雲山，遂解城圍。（同上）

其太和捻股自庚午至丙子，疊經知縣侯樞臣率團擊敗，擒匪首王大軒、莊名山、莊虎、魏常、魏允。（同上）張落刑自雉河敗遯，率賊數百至蒙城郭家集，沿途襲脅，欲竄潁州。己卯，蒙城知縣俞澍敗諸展溝西岸，奔江口新集，渡沙河，犯潁上之廟臺集、垂岡集，直撲縣城。侍衛多慧擊退，仍在潤河集窺伺。（同上卷十二）

六月丙戌朔，蔡昌言剿潤河集，殺捻匪百餘。丁亥，郝光甲至潁。庚寅、辛卯，連戰皆勝。壬申，傅振邦、伊興額至潁，甲午，會師進剿獲勝。河南巡撫英桂來駐亳州，袁甲三由亳赴潁督剿，副將樂善、參將成齡、佐領松志、編修袁保恆諸軍並集潁上。賊欲趨正陽關，爲侍衛多慧擊退，折而西。袁甲三飭諸將西追，敗賊於曹家集，又敗諸南照集、黃岡集。賊由南照、潤河一帶撲入霍邱縣境，土匪李三謨等應之。庚子，竄三河尖，王庭蘭援剿不利。丁丑，三河尖失陷。乙巳，袁甲三督伊興額、袁保恆、郝光甲、傅振邦、張學醇、徐曉峯、馬步分哨接戰，互有殺傷，遂

駐師曹家集。賊舟駛正陽關，多慧塔恩哈跨河爲營，代鐵鋪水底。癸丑，賊舟至汪集不得進，與南照集賊舟俱西駛登岸。樂善遇之，潁州二十里鋪酣戰陷伏，士默特佐領奇密特多爾濟騎校音登額歿於陣，賊遂踞曹家集。袁甲三等進攻之，賊宵遁。（同上）

七月壬戌，巨擒張落刑撲潁州府城，步隊出戰，斬擒首張惠。癸亥，賊大至，焚東北門，都司朱淮源、祿泰、千總楊德戰死。袁甲三派隊出援，敗賊於大橋口。甲子，攻城賊目中斃死，餘賊走四十里鋪。伊興額率騎兵來援，道遇賊，營總勒布佐領納勒布領催珠勒剛阿、豐林、披甲占祿、依順、德壽俱戰歿。賊渡沙河，分撲蒙、宿、蒙城知縣俞澍築城市竣，壬申賊至，連日環攻，澍城守三晝夜，督團擊走之。乙亥，回竄于家集，爲援兵塔恩哈擊退。郝光甲別在江口集擊敗渡河擒股，擒擒首王鳳林，賊遂分道趨雉河。守將西淩阿退營寺集，賊踞雉河。丁丑，宵劫宿州臨渙防營，守將興慶、明山戰不利，退蕭縣瓦子口，披甲武淩雲、多隆武戰死，賊踞臨渙。於是靈璧、鳳陽戒嚴，懷遠、壽州、宿州、阜陽、太和、潁上、霍邱、亳州徧地擒踪。霍邱擒衆爲知縣王啓秀所敗，斬擒首鄭三黑、王小金孜。袁甲三、邱聯恩、史榮椿馳至亳州，格綑額騎兵出剿，敗賊渦河口。壬午，袁保恆、邱聯恩、朱連泰敗賊清水河，又敗賊趙王河。癸未復戰，互有殺傷，通判倉景涵陣亡。（同上卷十三）

八月，擒匪以是月己丑由渦河北岸圍崇安營，我軍小挫。壬辰，復至，袁甲三遣兵練敗之。乙未，又敗諸太清宮，丙申，又敗諸十八里鋪，殲賊王貫三，餘賊退守雉河。其由臨渙回竄蒙城者，乙未，鄭魁士敗諸雙湖。其擾宿州之西二十里堡者爲擒首任范、李大禧。丁未，官軍民團擊潰，斬賊目段玉邱。其擾渦河南北岸者，己酉，豫軍崇安、格綑額、德楞額敗張落刑於耿皇寺。辛亥，邱聯恩薄襲得於趙旗屯，崇安又戰張落刑於劉乃廟，追殺

至潘家樓。壬子，張逆趨龍山據之。癸丑，襲得復由趙屯北渡，我軍擊卻之。（同上卷十四）

九月辛酉，擒匪宋懷用等，撲懷遠，總兵珠克登、郝光甲、副將塔思哈迭擊之，焚渦河賊筏。戊辰，敗賊沙溝，城圍立解。擒匪夏紅犯宿州，己巳，濉溪口失陷。（同上卷十五）

十月，擒匪孟繼輝踞宿州叮噹集。知州才汝和遣武舉孟貫三入賊巢，刺殺繼輝；參將富昌擊敗援賊。（同上卷十七）

乙巳，擒匪襲得駛至太和，由東鄉進撲縣城，不得逞，攻破舊縣集，練總劉仲華戰死。先是，英桂移師亳州，以庚寅發陳州，辛卯次鹿邑。聞張落刑遣襲得、田張斌營西竄，咨袁甲三令總兵崇安繞道截擊。英桂旋抵亳，以穆騰阿、托津阿將千人，偕格綢額、德楞額及崇安東發。癸卯，獵姬家橋伏賊，甲辰，平三丈口賊壘，乙巳，渡河南追，丙午破賊舊縣。是日，賊正撲太和縣城，崇安援師至則大敗之，又連敗諸楚店集、龍環城，賊遁。（同上）

癸卯晦，崇安、朱連泰攻花溝集，工記寺擒巢，平其壘，察哈爾驍騎校拉什旺丹把總馬騰蛟陣亡。（同上）

十一月甲寅朔，豫軍穆騰阿、崇安、朱連泰平雉河擒巢，乙卯，追賊西陽集，丙辰，追賊曹市集，及於臨渙會河橋。張落刑憑河拒守，襲得宵犯我軍營，戰至翼日，將午，士馬不得食，回軍雉河。賊連來犯，游擊德祿、佐領松志歿於陣，穆騰阿墜馬傷臂。朱連泰要擊之，殲賊數百，賊退踞廟集。庚申，命福建提督秦定三馳往蒙、亳，會同英桂督剿擒匪。甲子，以福濟奏復命壽春鎮總兵鄭魁士會同英桂剿辦擒匪，三省會剿官兵均歸節制。秦定三留於桐城，會同福濟督辦南路剿匪事務。乙丑，命勝保往安徽軍營，交福濟差遣委用。（同上）

時鄭魁士攻桐城烏石岡賊壘，守備劉精一陣亡。賊旋來襲，副將蕭同福、游擊葛茂永陣亡。（同上）

擒匪圍蒙城，爲知縣俞澍、參將尹善廷、練總劉蘭馨等擊敗，擒擒首傅洪山、黃瀧。辛未，魏得復率衆圍撲五晝夜，練總徐立壯力卻之。（同上）

十二月，豫軍亦以乙酉破擒匪於廟集，張落刑、魏得分竄亳境東南尹家溝、東北趙旂屯，進攻之，皆獲勝。（同上葉十八）

廬鳳道金光飭既擊退王莊巨擒，又迭敗之於新橋、連城、固鎮，斬擒首謝沐年、喬茂柏等三十五人。（同上）

丙申，蒙、亳擒匪撲靈璧，廬鳳道金光飭擊走之。（同上葉十九）

豫軍托津阿等敗擒匪於亳州洪家廟，山永協副將珠隆阿爲礮所中，陣斬巨擒龔義而後絕，外委高振標亦陣亡，著名擒首雷燕、李復亮、楊懸旺、魯珍、龐敬皆斃於陣，時甲辰日也。癸丑晦，又敗賊於王家店，擒斬擒首黃得等。（同上）

七年正月甲寅朔，豫軍敗擒匪於王家店，擒白豹，斬之。是日，擒匪撲蒙城，知縣俞澍參將尹善廷先後出擊，擒徐嗣、龔奉潮、馬小異。己未，城圍解。（同上）

豫軍攻趙旂屯，己未，擒擒首李振山，擒潰。庚申，追剿尹家溝，擒擒首張瀾等。（同上）

壬戌，皖軍擊擒匪任滋等於懷遠，敗諸平莪山。癸亥，又敗黃河、渦河南岸來撲之賊。乙丑，張落刑撲懷遠縣城，總兵珠克登、知縣鄒簡禦之。戊辰，戰上下橋，擒擒首覃新陂。庚午，戰古西門，斃賊千六百餘名。甲戌夜，破柳溝，陣斬巨擒趙廷和，擒斬擒首孫萬明等。張、龔二道合併南趨。時擒匪單老鸞、劉小賽撲定遠，知縣沈鏗擊

退。(同上卷二十)

二月宿州知州才和、游擊恩臨敗擒匪張謐於大店，遣張恆恕入擒巢斬擒首張士允。(同上卷二十一)
擒匪撲霍邱，署知縣王啓秀嚴守八晝夜。乙巳，地雷發，霍邱遂陷，典史張耀、從九品藍壽田均死之。(同

上)

霍邱擒股撲正陽關。李兆受糾粵匪會於正陽關，以庚子日合圍壽州。署廬鳳道金光飭營次痛剿，擒斬甚多。戊申，圍解。粵捻分趨六安及正陽關。光飭進兵正陽關。(同上)

己酉，粵捻各匪合圍潁上，爲十三隧，知縣程鉅破其九。時勝保奉命以副都統銜幫辦剿匪事宜，代崇安爲河北鎮總兵，卽統其軍，以是月戊子會英桂、袁甲三於亳。定議，甲三駐亳，勝保赴潁，英桂繼發，策應後路。尋固始告警，勝保自潁州移軍三塔集，留兵守之，而督師繞道西南，破方家集擒股，進援固始解其圍。及是，回軍入皖。(同上)

三月乙丑，懷遠知縣鄒筭擊敗擒首張謐，遂燬李興集，賊走平義山及下蔡，焚掠鳳臺東北鄉。(同上卷二十二)

辛未，粵逆陳玉城竄六安，擒匪張落刑，襲得入正陽關。壬申，金光飭戰敗。(同上)

是月壬戌、己卯，粵捻各匪兩次轟陷潁上城垣，均爲圍練救護擊退。潁上被圍久，望援切。始勝保自豫回軍也，月之朔日，駐方家集，攻上莊。會托津阿禦賊於三塔集，師挫，佐領達爾瑪、滿葛拉戰歿，賊掠潁南，回踞柳溝。勝保督軍追剿，三戰獲集，偃柳溝，阻雨連旬。戊寅，雨止，進攻疊勝。張落刑糾三河尖、霍邱悍黨四出掣綴，勝

保不爲動。穎上告急，則檄知府文光、參將蔡昌言往援之。（同上）

四月壬午朔，勝保猛攻柳溝，丁亥克之。賊走化集，勝保引軍疾趨穎上。辛卯夜，前隊至穎，賊恆懼，捻匪奔三河尖，粵匪奔正陽關，穎上圍解。自懷關至是，堅守四十三晝夜云。（同上）

壬辰夜，容照剿宿州捻匪，殲賊首張瀾鳴。（同上葉二十三）

金光飭攻毀蕪湖集，進攻正陽關，丁酉，克北岸捻集。（同上）

五月侍衛伊興額破蒙宿界之高家船，斬互捻李月。即李鶴。（同上葉二十四）

乙亥，勝保克三河尖。初，穎上圍解，勝保移軍李家集，擣黃岡寺，平中心岡，三河尖北岸之賊略盡。乃會英桂之師拔吳老莊，四月丁酉，專遣兵化集，次高家堰，戰趙家集，四月癸卯，事烏龍集，甲辰，事皆大捷。尋斷方家集糧道，解散脅從，龔得乃乞降。勝保不允，疊攻方家集，防禦阿克棟、阿、驍騎校關喜、千總司泉陣亡，俄而克之。五月丁卯，遂破王家壩，庚午，日事，剿三河尖附近賊壘，壬申，癸酉，甲戌，事遂復三河尖，追賊南照集，大破之。張落刑先以舟載輜軍歸雒河，過正陽關，金光飭擊沉其舟數十。丁丑，勝保追至潤河，又焚賊舟。己卯，由穎上分兵擣沙關。庚辰，晦，破八里塚浮橋，拔沙關，獲張逆之弟張易，斬以徇。又分兵扼固始，霍邱接壤，而自督師攻正陽關。水漲，不得渡淮，金光飭以礮船來助。（同上）

閏五月甲申，金光飭造浮橋濟師。勝保軍戰北岸，光飭軍戰南岸，抵正陽關下。壽春鎮勇潰，光飭在礮船督戰，中礮軍傷，猶磨軍進攻，舟覆，死之。（同上）

英桂移軍潁州，分剿廬家廟、江口集捻巢，斬馘無算。勝保專意正陽關。丙申，剿雙橋集，襲汪家集，駛至霍